

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Nezavisni odbor

Broj:01-04-1136-47-1/21

Sarajevo, 25.01.2022. godine

SKUPŠTINA KANTONA SARAJEVO

O V D J E

PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar-decembar 2021. godine - dostavlja se

Nezavisni odbor na sjednici održanoj dana 25.01.2022. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar-decembar 2021. godine, a u skladu s članom 45. st.5. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20), isti dostavlja Skupštini Kantona Sarajevo, informativno.

PREDSJEDNIK

Miroslav Kružik, s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax:+ 387 (0) 33 562-210
Sarajevo, Reisa Džemaludina Čauševića 1



Na osnovu odredaba člana 45. stav (5) Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19, 31/19 i 39/20) i člana 8. tačka 9) Poslovnika o radu Nezavisnog odbora ("Službene novine Kantona Sarajevo", br. 23/16, 39/19 i 48/20), Nezavisni odbor Skupštini Kantona Sarajevo dostavlja:

I Z V J E Š T A J

o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2021. godine

Putem podnesenog izvještaja od policijskog komesara Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), Nezavisni odbor Skupštine Kantona Sarajevo je obaviješten da je isti tokom vremenskog perioda **oktobar – decembar 2021. godine**, preduzimao sljedeće mjere i radnje:

- a) Predstavljao Upravu policije neposrednim učešćem i radnim angažmanom na različitim sastancima sa predstavnicima Vlade Kantona Sarajevo, Visokim sudskim i tužilačkim vijećem Bosne i Hercegovine, te predstavnicima međunarodnih agencija i ambasada stranih država u Bosni i Hercegovini, usmenom i elektronskom komunikacijom sa tužiocima Tužilaštva Bosne i Hercegovine, Kantona Sarajevo, predstavnicima drugih policijskih agencija u Bosni i Hercegovini, vladinim i nevladinim organizacijama i medijima, i to kako slijedi:
 - 08.10.2021. godine u prostorijama Ministarstva unutrašnjih poslova Kantona Sarajevo, održao je sastanak sa članovima Odbora za žalbe,
 - 08.10.2021. godine u prostorijama Ministarstva unutrašnjih poslova Kantona Sarajevo, održao je sastanak sa predstavnicima nevladine organizacije Hallo Trust i predstavnicima EUFOR-a povodom projekta dodatnog obilježavanja službenog naoružanja,
 - 14.10.2021. godine u prostorijama Ministarstva unutrašnjih poslova Kantona Sarajevo, zajedno sa ministrom Katica Admirom održao je sastanak sa predstavnicima policije Austrije,
 - 14. i 15.10.2021. godine prisustvovao je sastanku Koordinacije direktora Federalne uprave policije i policijskih komesara kantonalnih ministarstava unutrašnjih poslova u Goraždu,
 - 19.10.2021. godine u prostorijama Tužilaštva BiH učestvovao je na sastanku sa predstavnicima Tužilaštva BiH,
 - 19.10.2021. godine održao je sastanak sa podpukovnikom Philippe Gangloff-om iz atašea za unutrašnju sigurnost R.Francuske,
 - 19.10.2021. godine prisustvovao je sjednici Nezavisnog odbora,
 - 21.10.2021. godine učestvovao je na sastanku za predstavnicima Državne agencije za istrage i zaštitu u sjedištu agencije,
 - 21.10.2021. godine održao je sastanak sa podpukovnikom Philippe Gangloff-om iz atašea za unutrašnju sigurnost R.Francuske,
 - 21.10.2021. godine održao je sastanak sa Glavnom tužiteljicom Kantonalnog tužilaštva Kantona Sarajevo, g-đom Sarajlija Sabinom,
 - 26.10.2021. godine prisustvovao je polaganju cvijeća povodom obilježavanja godišnjice pogibije policijskih službenika Adisa Šehovića i Davora Vujinovića,



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



- 28.10.2021. godine prisustvovao je sjednici komisije za sigurnost Skupštine Kantona Sarajevo,
- 09.11.2021. godine u prostorijama Sektora za policijsku podršku, zajedno sa ministrom Katica Admirom i članovima Komisije za izradu Prijedloga Pravilnika o unutrašnjoj sistematizaciji u Ministarstvu unutrašnjih poslova Kantona Sarajevo prisustvovao je prezentaciji prijedloga pravilnika,
- 16.11.2021. godine održao je sastanak sa Glavnim Federalnim tužiocem, gosp. Halilović Munibom,
- 16.11.2021. godine održao je sastanak sa direktorom Državne agencije za istrage i zaštitu, g-dinom. Čulum Darkom,
- 18.11.2021. godine održao je sastanak sa VD. Glavnog Tužioca Tužilaštva BiH, g-dinom Milankom Kajganićem,
- 19.11.2021. godine u prostorijama Ambasade SAD-a prisustvovao je sastanku sa Višim savjetnikom za borbu protiv korupcije Ambasade SAD-a g-dinom Erik Larsonom,
- 23.11.2021 prisustvovao je sjednici Nezavisnog odbora,
- 24.11.2021. godine održao je sastanak sa podpukovnikom Philippe Gangloff-om iz atašea za unutrašnju sigurnost R.Francuske,
- 29.11.2021. godine u prostorijama Sektora za policijsku podršku, zajedno sa ministrom Katica Admirom i članovima Komisije za izradu Prijedloga Pravilnika o unutrašnjoj sistematizaciji u Ministarstvu unutrašnjih poslova Kantona Sarajevo prisustvovao je prezentaciji prijedloga pravilnika za članove Komisije za sigurnost Skupštne Kantona Sarajevo,
- 29.11.2021. godine prisustvovao je sjednici Komisije za sigurnost Skupštne Kantona Sarajevo,
- 09.12.2021. godine zajedno sa načelnicima sektora uniformisane i kriminalističke policije prisustvovao je sastanku sa predsjednicom Općinskog suda u Sarajevu i predsjednicima prekršajnog i krivičnog odjeljenja, na temu unapređenja saradnje u oblasti sigurnosti saobraćaja u Kantonu Sarajevo,
- 13.12.2021. godine prisustvovao je sjednici Komisije za sigurnost Skupštne Kantona Sarajevo,
- 13.12.2021. godine održao je sastanak sa direktorom INL-a, g-dinom Stephen T. Glaserom,
- 15.12.2021. godine prisustvovao Kolegiju ministra povodom prezentacije budžeta za 2022. godinu,
- 15.12.2021. godine prisustvovao tematskoj sjednici sa predstavnicima Sindikata policije Kantona Sarajevo,
- 20.12.2021. godine u prostorijama Kantonalnog tužilaštva Kantona Sarajevo učestvovao je na sastanku sa predstavnicima Kantonalnog tužilaštva Kantona Sarajevo i predstavnicima Ambasade SAD-a u BiH,
- 21.12.2021. godine prisustvovao je sjednici Nezavisnog odbora,
- 22.12.2021. godine održao sastanak sa ministrom Katica Admirom na temu Pravilnika o plaćama i naknadama za državne službenike i namještenike,
- 22.12.2021. godine održao je sastanak sa ministrom Katica Admirom i direktorom Studentskih domova,
- 23.12.2021. godine održao je sastanak sa podpukovnikom Philippe Gangloff-om iz atašea za unutrašnju sigurnost R.Francuske,



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-044,
 Fax: + 387 (0) 33 562-210
 Sarajevo, Reisa Džemaludina Čauševića 1



- 24.12.2021. godine u Domu mladih SCR Skenderija prisustvovao je prezentaciji u organizaciji Ministarstva saobráaja Kantona Sarajevo,
- 24.12.2021. godine zajedno sa ministrom i predstavnicima Sindikata policije Kantona Sarajevo održao sastanak na temu kolektivnog ugovora,
- 31.12.2021. godine prisustvovao je polaganju cvijeća povodom obilježavanja godišnjice pogibije policijskog službenika Muhidina Pivodića.

b) Sve mjere i radnje preduzimaó je uvaŹavajući prioritete date od strane Vlade Kantona Sarajevo i Komisije za sigurnost Skupštine Kantona Sarajevo, te smatra da je ostvario odličnu saradnju sa ministrom, Admirom Katicom.

c) Tokom izvještajnog perioda, prema navodima iz dostavljenog izvještaja, ažurno, prema planiranoj i datoj dinamici u oblasti upravnog rješavanja, donosio je odluke (rješenja i dr.) koje se odnose na rješavanje radno-pravnog statusa uposlenika.

U dijelu ostalih aktivnosti u oblasti pravnih i kadrovskih poslova, u izvještajnom periodu oktobar – decembar 2021. godine, naloŹio je da se nastavi provođenje kontinuiranih aktivnosti na ažuriranju podataka o staŹu osiguranja za sve zaposlenike Uprave policije Ministarstva unutrašnjih poslova Kantona Sarajevo.

U izvještajnom periodu oktobar – decembar 2021. godine, predlaganjem članova radnih grupa i komisija, kao i davanjem konkretnih prijedloga i preporuka davao je doprinos u provođenju aktivnosti u vezi za sačinjavanja prijedloga Pravilnika o unutrašnjoj organizaciji Ministarstva unutrašnjih poslova Kantona Sarajevo u dijelu koji se odnosi na Upravu policije, prijedloga Pravilnika o radnim odnosima državnih službenika i namještenika Ministarstva unutrašnjih poslova i Uprave policije Ministarstva unutrašnjih poslova Kantona Sarajevo, prijedloga Pravilnika o plaćama državnih službenika i namještenika Ministarstva unutrašnjih poslova i Uprave policije Ministarstva unutrašnjih poslova Kantona Sarajevo i prijedloga Uputstva o postupanju sa osobama lišenim slobode.

d) U izvještajnom periodu, pored prioriteta određenih od strane Vlade Kantona Sarajevo i planskih prioriteta Uprave policije koji se odnose na efikasne preventivne mjere i radnje (pozorno-patrolna djelatnost, rad policije u zajednici, kampanje i sl.), te kvalitetne operativne aktivnosti usmjerene na rasvjetljavanje najteŹih i najsloŹenijih krivičnih djela, nastavio je na provođenju normativnih aktivnosti za koje je ovlašten u dva oblika: donošenje propisa po osnovu izričite zakonske odredbe ili dostavljanje ministru nacрта i prijedloga propisa ili izmjena i dopuna propisa iz djelokruga rada Uprave policije (član 23. stav (3), tačka d) Zakona).

Normativne aktivnosti koje su u nadležnosti policijskog komesara i Uprave policije u izvještajnom periodu su i dalje bile determinirane nizom drugih aktivnosti koje je provodila Uprava policije usljed pandemije izazvane virusom COVID 19, kao i migrantskom krizom, odnosno boravkom većeg broja migranata na području Kantona Sarajevo, što je pred Upravu policije postavljalo svakodnevne izazove, tako što je pored velikog obima redovnih poslova i zadataka zahtijevalo i dodatno angaŹovanje u pogledu vršenja kontrole i provođenja naredbi, odluka, zaključaka i



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-044,
 Fax: + 387 (0) 33 562-210
 Sarajevo, Reisa DŹemaludina Čauševića 1



preporuka nadležnih organa.

e) U izvještajnom periodu oktobar – decembar 2021. godine, blagovremeno i zakonito je odlučivao o svim pravima, obavezama i odgovornostima iz radnih odnosa policijskih službenika, državnih službenika i namještenika, a statistički konkretni podaci prezentirani su u okviru tačke c) ovog izvještaja. Svakodnevno je vršio raspored poslova na organizacione jedinice Uprave policije, te kontrolu svih akata koji se upućuju na potpis policijskom komesaru, a shodno djelokrugu rada Uprave policije.

f) Nakon zakonito provedenih internih postupaka donio je četiri rješenja o izricanju disciplinske sankcije za lakšu povredu službene dužnosti za četiri policijska službenika Uprave policije.

g) i h) Imajući u vidu odredbe Zakona o unutrašnjim poslovima Kantona Sarajevo prema kojima policijski komesar odlučuje o korištenju sredstava i vrši nabavku opreme i materijalno-tehničkih sredstava u skladu sa namjenom odobrenih sredstava na budžetskoj poziciji Uprave policije, te da shodno odredbama Zakona o javnim nabavkama, Uprava policije Ministarstva unutrašnjih poslova Kantona Sarajevo, kao ugovorni organ, pokreće postupak javne nabavke donošenjem odluke o pokretanju postupka javne nabavke, u izvještajnom periodu, shodno usvojenom budžetu, u dijelu koji se odnosi na Upravu policije, preduzimao je potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije Ministarstva unutrašnjih poslova Kantona Sarajevo.

j) U dijelu koji se odnosi na donošenje rješenja i u dijelu koji se odnosi na normativne aktivnosti, kao i kod prethodne tačke, naveo je konkretne podatke o formiranju stručnih komisija i radnih tijela, a čija aktivnost je neophodna za realizaciju niza poslova i zadataka iz nadležnosti Uprave policije.

k) Neposredno, kao i putem nadležnih organizacionih jedinica Uprave policije, pratio je realizaciju Plana i programa stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2021. godinu, kao i Plana i programa stručnog osposobljavanja, usavršavanja i obrazovanja državnih službenika i namještenika Uprave policije za 2021. godinu.

Ponovo naglašava da zbog sprečavanja širenja pandemije korona virusom COVID-19, te naredbi, odluka i obavezujućih preporuka Kriznog štaba Ministarstva zdravstva Vlade Federacije Bosne i Hercegovine na sprječavanju širenja infekcije ovim virusom na području Federacije BiH, kao i odluka Kriznog štaba Ministarstva zdravstva Vlade Kantona Sarajevo, te zaključaka Vlade Kantona Sarajevo, u navedenom izvještajnom periodu veliki broj planiranih aktivnosti, koje su trebale biti organizovane od strane Uprave policije ali i subjekata izvan Uprave policije, su odgođene do daljnjeg

Na osnovu planiranih aktivnosti kroz Plan i program stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2021. godinu, broj 02/1-2-7/21 od 15.01.2021. godine i Izmjene i dopune Plana i programa stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2021. godinu, broj 02/1-2-38/21 od 22.02.2021. godine, dao je saglasnost za provođenje programa internog i



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



eksternog stručnog usavršavanja policijskih službenika putem kojih je u periodu od 01.10. do 31.12.2021. godine prošlo ukupno 576 policijski službenik i to:

- kroz program internog stručnog usavršavanja 310 policijska službenika i
- kroz program eksternog stručnog usavršavanja 266 policijska službenika.

Program internog stručnog usavršavanja

U navedenom izvještajnom periodu, kroz program internog stručnog usavršavanja koji podrazumijeva svaki oblik edukacije, osim obrazovanja policijskih službenika Uprave policije Ministarstva unutrašnjih poslova Kantona Sarajevo, koji je organizovan i izvođen od strane Odjeljenje za edukaciju Ureda policijskog komesara, Uprave policije Ministarstva unutrašnjih poslova Kantona Sarajevo, prošlo je ukupno 310 policijskih službenika.

- Realizacija planskih aktivnosti izvođenja terenske obuke u dijelu koji se odnosi na izvođenje dodatne terenske obuke iz oblasti specijalističkih obuka i taktika - SOT-a, u periodu od 04.10. do 11.10.2021. godine na prostoru ispred objekta Centar za obuku kadrova MUP-a Kantona Sarajevo - Grkarica na Igmanu, za policijske službenike pripadnike Jedinice za podršku Sektora za policijsku podršku i Vodova za sprečavanje narušavanja JRiM-a u većem obimu (od I do XI Voda),
- Realizacija Plana i programa interne specijalističke obuke na temu „Rodna ravnopravnost u Upravi policije Ministarstva unutrašnjih poslova Kantona Sarajevo, čiji je osnov za donošenje posebnog Plana i programa interne specijalističke obuke, Akcioni plan za primjenu rezolucije Vijeća sigurnosti Ujedinjenih naroda 1325 “Žene, mir i sigurnost” u Bosni i Hercegovini za period od 2018. do 2022. Godine,
- Realizacija interne specijalističke obuke za policijske službenike koji obavljaju poslove Rad policije u zajednici u organizacionim jedinicama Uprave policije, s ciljem standardizacije/jednoobraznog načina izvođenja edukativnih radionica i materijala koji se prezentuju. Edukativne radionice za učenike osnovnih škola Kantona Sarajevo na teme:

1. Dijete u saobraćaju i
2. Stop međuvršnjačkom nasilju

Edukativne radionice za učenike srednjih škola Kantona Sarajevo na teme:

1. Stop drogama i
2. Stop međuvršnjačkom nasilju

Edukativna radionica za nastavnike i roditelje u školama Kantona Sarajevo na temu:

1. Stop nasilju među vršnjacima



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



- Realizacija posebnog Plana i programa interne specijalistička obuke na temu "Prevenција, suzbijanje i istraživanje krivičnih djela teških krađa motornih vozila u Kantonu Sarajevo", uz učešće predavača edukatora, predstavnika subjekata izvan Uprave policije.

Program eksternog stručnog usavršavanja

U navedenom izvještajnom periodu, kroz program eksternog stručnog usavršavanja, a koje podrazumjevaju učešće policijskih službenika u oblicima edukacije koji su organizovani od strane drugih državnih organa, organizacija, asocijacija kao i drugih subjekata izvan Uprave policije Ministarstva unutrašnjih poslova Kantona Sarajevo – eksterni oblici edukacije, ukupno je prošlo 266 policijskih službenika.

S tim u vezi nadležnoj organizacionij jedinici nalagao je organizaciju i realizaciju programa eksternog stručnog usavršavanja sa subjektima izvan Uprave policije, kada su u pitanju nominacije policijskih službenika koji će učestvovati u specijalističkim obukama kroz program eksternog stručnog usavršavanja, te je naložio učešće policijskih službenika u modulima specijalističkog usavršavanja i to:

- Predmisiona obuka za prijavljene kandidate u skladu sa odredbama Pravilnika o postupku upućivanja pripadnika policijskih službi u Bosni i Hercegovini u operacije podrške miru i druge aktivnosti u inostranstvu, izboru i obuci, pravima, obavezama odgovornostima, postupanju pripadnika policijskih službi tokom trajanja operacije podrške miru i po povratku iz operacije podrške miru, o pravima, obavezama i odgovornostima komandanta kontingenta („Službeni glasnik BiH“, broj 93/06),
- Implementacija aktivnosti 1.1.2 "Unapređenje kapaciteta u oblasti istraga cyber kriminala" u sklopu Twinning projekta "EU 4 Fight Againsts Cybercrime in BiH",
- Implementacija aktivnosti 1.3.2. "Saradnja sa pružaocima internetskih usluga (ISP) ili drugim pružaocima telekomunikacijskih usluga" Twinning projekta "EU 4 Fight Againsts Cybercrime in BiH",
- Implementaciju aktivnosti 1.2.2. "Prikupljanje podataka i obrada elektronskih dokaza-napredni nivo" Twinning projekta "EU 4 Fight Againsts Cybercrime in BiH", na temu Prikupljanje podataka i obrada elektronskih dokaza - napredni nivo,
- Dvodnevna radionica u sklopu implementacije aktivnosti 2.1.2. "Istrage krivičnih djela počinjenih korištenjem IKT sistema uključujući zaštitu i brzo čuvanje računarskih podataka i elektronskih dokaza, te njihove pravovremene razmjene"
- Eksterna specijalistička obuka na osnovu Protokola o saradnji između Kantonalnog tužilaštva Kantona Sarajevo i Uprave policije Ministarstva unutrašnjih poslova Kantona Sarajevo, broj: 02-92/20 od 18.12.2020. godine, za III grupu učesnika u 2021. godini, koja će se provoditi od strane tužilaca Kantonalnog tužilaštva Kantona Sarajevo
- Kriminalističko-obavještajni rad u podršci tužilaštvu na suzbijanju korupcije u sklopu projekta Jačanje tužilaca u sistemu krivičnog pravosuđa u saradnji sa Obavještajno-sigurnosnom agencijom BiH, JU CEST FBiH (Centar za edukaciju sudija i tužilaca FBiH), Agencijom za školovanje i stručno usavršavanje policijskih kadrova Mostar, Policijskom



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-044,
 Fax: + 387 (0) 33 562-210
 Sarajevo, Reisa Džemaludina Čauševića 1



akademijom FBiH, MUP-om Republike Srpske i Oružanim snagama BiH, kroz teorijski i praktični dio obuke trećeg ciklusa u okviru jednog Modula

- Realizacija praktičnog dijela - pokazna vježba specijalističke obuke - Obrada lica mjesta krivičnog djela, u okviru realizacije akademske programske aktivnosti i realizacije planskih i programskih aktivnosti eksternog stručnog usavršavanja za policijske službenike Uprave policije u 2021. godini, saradnja sa fakultetima Univerziteta u Sarajevu - Fakultet za kriminalistiku, kriminologiju i sigurnosne studije.

U navedenom izvještajnom periodu dao je saglasnost za učešće policijskih službenika Uprave policije, u aktivnostima održavanih različitih modula i aktivnosti u organizaciji subjekata izvan Uprave policije, a čije učešće i rad u takvim modulima smatra realizacijom programa eksternog stručnog usavršavanja, pa je u tim aktivnostima učešće policijskih službenika provedeno na slijedeće načine:

- Implementacija aktivnosti iz oblasti sprečavanja i odgovora na rodno zasnovano nasilje nad ženama i djevojčicama, Webinar za policijske službenike u Bosni i Hercegovini o sprječavanju i odgovaranju na rodno zasnovano nasilje nad ženama,
- Sastanak sa predstavnicima FMUP-a u vezi konkretnih dogovora oko predstavljanja Izvještaja za Evaluaciju provedbe Istanbulske konvencije u Bosni i Hercegovini od strane Grupe eksperata Vijeća Europe za borbu i sprečavanje nasilja nad ženama i nasilja u porodici (GREVIO),
- U okviru projekta "Kratkoročna i srednjoročna podrška jačanju napora u borbi protiv trgovine ljudima u BiH" planirana je obuka za Koordinatore koordinacionih tijela za borbu protiv trgovine ljudima,
- Eksterno stručno usavršavanje kao nastavak obuke Modul 6 „Istraga javne korupcije“,
- Online radionica na temu "Tehnički pregledi", koja će se održati u online formatu s ciljem jačanja znanja subjekata sigurnosti saobraćaja u pogledu implementacije Sporazuma iz 1997. godine, a posebno u pogledu obavljanja tehničkih pregleda (preventivni tehnički pregledi, tehnički pregledi na putu),
- Radionica na temu Finalizacija standardnih operativnih procedura za aktivnosti van privremenih prihvatnih centara,
- Okrugli sto za profesionalce relevantnih institucija i organizacija na temu “Trgovina ljudima u svrhu radne eksploatacije”,
- Obuka na temu “Trgovina ljudima-krivično gonjenje počinitelaca u kontekstu mješovitih migracijskih tokova”,
- Obuka na temu “Softverski alati koji se koriste za istraživanje i identifikaciju nedozvoljenih sadržaja eksploatacije putem interneta”,
- Jednodnevna radionica u sklopu implementacije projekta IPA 2019 "Borba protiv teškog kriminala na Zapadnom Balkanu" sa fokusom na usaglašavanje metoda ispunjavanja upitnika koji su neophodni i biće korišteni pri izradi naredne Procjene prijetnje Evropske unije o teškom i organizovanom kriminalu (SOCTA),
- Trening savremena i naučno utemeljena prevencija ovisnosti koja se organizuje od strane Udruženja za prevenciju ovisnosti "Narko-Ne",
- Učešće u aktivnostima multidisciplinarnih kurseva simulacije o istraživanju i procesuiranju krijumčarenja migranata Bosne i Hercegovine i Crne Gore (Druga obuka - Crna Gora), koji



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



- se organizuju od strane Ureda Ujedinjenih naroda za droge i kriminal (UNODC) u saradnji s Koordinatorom za borbu protiv trgovine ljudima i ilegalnih migracija Bosne i Hercegovine,
- "Treći koordinacijski sastanak državnog koordinatora za borbu protiv trgovine ljudima i koordinatora entiteta, kantona i Brčko distrikta",
 - Jednodnevna obuka za inspektore rada, članove lokalnih timova za borbu protiv trgovine ljudima, policijskih službenika i druge profesionalce na temu "Trgovina ljudima u svrhu radne eksploatacije",
 - Radionica - Usklađivanje Zakona o oružju sa Europskom direktivom 2021/555,
 - Webinar o koordinisanom, odgovoru krivičnog pravosuđa na rodno zasnovano nasilje nad ženama za praktičare krivičnog pravosuđa u Bosni i Hercegovini, u organizaciji United Nations Office on Drugs and Crime,
 - "Međusobna razmjena između policijskih uprava o rješavanju zločina iz mržnje",
 - Napredna obuka za savjetnike/ce za prevenciju seksualnog i rodno zasnovanog uznemiravanja u pravosudnim institucijama u BiH,
 - Edukacija za stručne saradnike-psihologe u odjelima za podršku žrtvama i svjedocima u pravosuđu i policiji u organizaciji UNDP Regionalni projekat za ratne zločine (RWC),
 - Seminar - Istraga , radnje dokazivanje i priprema dokaza za izvođenje na glavnom pretresu,
 - Obuka na temu "Simulacija stvarnih situacija- desktop vježbi za ključne učesnike inoviranog referalnog mehanizma i mehanizma koordinacije za borbu protiv trgovine ljudima u Bosni i Hercegovini",
 - Trgovina ljudima u svrhu radne eksploatacije.

l) U skladu sa odredbama Instrukcije o hitnom, tekućem, povremenom i statističkom izvještavanju Uprave policije Ministarstva unutrašnjih poslova Kantona Sarajevo, preduzimao je mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.

Kontinuirano je nadzirao provođenje aktivnosti iz oblasti zaštite tajnih podataka, u skladu sa odredbama Zakona o zaštiti tajnih podataka („Službeni glasnik BiH“, br. 54/05 i 12/09) i na osnovu istog donesenih provedbenih propisa, odnosno vršenja sigurnosnih provjera uposlenika, donošenja potrebnih rješenja o postojanju/nepostojanju sigurnosnih smetnji, razmjenjivanja službene dokumentacije s nadležnim državnim organima (policijske agencije, sudovi, pravobranilaštvo), te ažuriranja posebnog dijela personalnih dosijea u vezi sa sigurnosnim provjerama.

U oblasti zaštite tajnih podataka, u izvještajnom periodu donio je ukupno 34 rješenja o nepostojanju sigurnosnih smetnji za pristup tajnim podacima za 34 uposlenika Uprave policije i 17 rješenja o utvrđivanju postojanja sigurnosnih smetnji za 17 uposlenika Uprave policije, te jedan zaključak kojim se odbija zahtjev za povrat u pređašnje stanje.

Komisiji za rješavanje žalbi u postupku sigurnosnog provjeravanja Vijeća ministara Bosne i Hercegovine, od strane Uprave policije, proslijeđeno je ukupno 14 žalbi na rješenja o utvrđivanju postojanja sigurnosnih smetnji i 1 (jedna) žalba na rješenje o zabrani pristupa tajnim podacima do okončanja dodatne sigurnosne provjere.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210

Sarajevo, Reisa Džemaludina Čauševića 1



Za ukupno 5 uposlenika pokrenute su procedure na popunjavanju sigurnosnih upitnika od strane uposlenika, dok su prema Državnoj agenciji za istrage i zaštitu upućeni zahtjevi za vršenje sigurnosnih provjera za 24 uposlenika, a prema Obavještajno-sigurnosnoj agenciji BiH, upućeni su zahtjevi za vršenjem sigurnosnih provjera za 2 uposlenika.

Ministarstvu sigurnosti Bosne i Hercegovine – Sektor za zaštitu tajnih podataka, upućeni su zahtjevi za izdavanjem dozvola za pristup tajnim podacima za ukupno 30 uposlenika, dok je za 3 (tri) policijska službenika upućen zahtjev za vršenjem dodatne sigurnosne provjere, a nakon potvrđivanja optužnice za iste od strane Općinskog suda u Sarajevu, za počinjena krivična djela.

Od strane Ministarstva sigurnosti BiH, preuzete su dozvole za pristup tajnim podacima za ukupno 25 uposlenika Uprave policije i 5 uposlenika Ministarstva unutrašnjih poslova Kantona Sarajevo.

Posebno ističe da je u skladu sa odredbama čl. 13. i 14. Zakona o zaštiti ličnih podataka (“Službeni glasnik BiH”, broj 49/06 i 76/11) i člana 15. Pravilnika o načinu vođenja i obrascu evidencije o zbirkama ličnih podataka (“Službeni glasnik BiH”, broj 52/09), u novembru mjesecu, okončao ranije pokrenut postupak prijave zbirki ličnih podataka Agenciji za zaštitu ličnih podataka u Bosni i Hercegovini, za evidencije koje se vode u Upravi policije, a koje sadrže lične podatke, te su predmetne evidencije, sa svim potrebnim parametrima, unesene u Glavni registar kod navedene agencije.

m) Naložio je nadležnom odjeljenju Uprave policije raspisivanje i obustavljanje centralnih potjernica po naredbi nadležnih sudova, tako da su u izvještajnom periodu raspisane 32 potjernice po naredbama nadležnih sudova i Zavoda za izdržavanje kazne zatvora, a obustavljene su 23 potjernice koje su za licima u bjekstvu raspisane u ranijem periodu, jer su isti pronađeni i lišeni slobode, te predati institucijama koje su naredile rapisivanje potjernica.

n) Učestvovao je i dao lični doprinos realizaciji aktuelnih tema na sastanku Koordinacije direktora Federalne uprave policije i policijskih komesara kantonalnih ministarstava unutrašnjih poslova.

o) U pojedinim dijelovima ovog izvještaja prezentirane su redovne aktivnosti koje je imao u dijelu koji se odnosi na pripremu programa (npr. u normativnom dijelu), informacija, analiza i drugih materijala iz djelokruga rada Uprave policije, a na zahtjev ministra, Vlade Kantona Sarajevo ili na vlastitu inicijativu.

p) Pod tačkom b) ovog izvještaja konstatovao je da ima odličnu saradnju sa ministrom, sa kojim je svakodnevno ostvarivao kontakte, informisao ga i izvještavao o ukupnom stanju sigurnosti i o konkretnim događajima, a u skladu sa odredbama posebnog propisa.

r) Direktno, ali i posredstvom nadležne organizacione jedinice nastavio je dobru saradnju sa elektronskim medijima, dnevnim i sedmičnim listovima u Bosni i Hercegovini i inostranstvu, koji su objavili veći broj vijesti i intervjuva u vezi sa stanjem javnog reda, kriminaliteta i sigurnosti saobraćaja na području Kantona Sarajevo.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



MIGRANTI

Poseban segment u njegovo radu predstavlja svakodnevno iniciranje, planiranje i realizacija mjera na preveniranju i zakonskom procesuiranju osoba migrantske populacije koje su na Kantonu Sarajevo vršile protupravne radnje. U vezi sa navedenim naložio je postupanje i koordiniranje aktivnosti po Planu preduzimanja odgovarajućih mjera i radnji iz nadležnosti Službe za poslove sa strancima i Uprave policije na sprečavanju i sankcionisanju svih oblika nezakonitog ponašanja migranata, smještaja i drugih aktivnosti u vezi sa migrantima na području Kantona Sarajevo, kojim su planirane mjere i radnje koje su ove dvije službe zajednički preduzimale u pravcu spriječavanja i saniranja posljedica koje mogu nastupiti po građane Kantona Sarajevo usljed mogućeg povećanog priliva migranata na području Kantona Sarajevo, naročito u kontekstu sprječavanja širenja zaraze prouzrokovane virusom COVID 19, kao i s ciljem preventivnog djelovanja radi smanjenja broja krivičnih djela izvršenih od strane pripadnika migrantske populacije.

Aktivno je usmjeravao rad Operativnog tima za pitanje migranata u rješavanju problematike po pitanju migranata na području Kantona Sarajevo, tako što je nalagao vršenje kontrole migranata, pri čemu su policijski službenici Uprave policije MUP-a Kantona Sarajevo izvršili kontrolu ukupno 394 migranta od čega je 78 migranata preveženo i smješteno u prihvatne centre "Ušivak" i "Blažuj".

Koordinirao je provođenje mjera po osnovu Operativnog plana Uprave policije broj 02/2-112-3/20 od 27.11.2020. godine, te planova mjesno nadležnih organizacionih jedinica, kojom prilikom su policijski službenici Uprave policije samostalno proveli 17 akcija u cilju pronalaska i smještaja migranata u privremene prihvatne centre "Ušivak" i "Blažuj". Tom prilikom pronađen je i smješten ukupno 71 migrant.

Nadzirao je i koordinirao aktivnosti na rasvijetljavanju krivičnih djela u kojima su učestvovali migranti, kojom prilikom su policijski službenici Uprave policije lišili slobode 9 migranta od kojih je njih osam, uz izvještaj o počinjenom krivičnom djelu, predato u nadležnost Kantonalnog tužilaštva Kantona Sarajevo.

ZNAČAJNIJE I OSTALE AKTIVNOSTI

Kada je u pitanju borba protiv korupcije, a što je i dalje jedan od prioriteta rada Uprave policije, naložio je nastavljanje aktivnosti na borbi protiv korupcije unutar Ministarstva unutrašnjih poslova Kantona Sarajevo.

Konstantno je nadzirao i animirao rad odjeljenja u Sektoru kriminalističke policije koja su nadležna za rasvijetljavanje najtežih oblika krivičnih djela iz oblasti privrednog kriminala, krvnih i seksualnih delikata, imovinskih delikata i narkomanije, te direktno ili preko načelnika Sektora kriminalističke policije koordinirao njihovim aktivnostima, kojom prilikom je u izvještajnom periodu rasvijetljen veći broj vrlo složenih krivičnih djela i to:

- 2 krivična djela iz člana 166. KZ FBiH, (Ubistvo),
- 2 krivična djela iz člana 166. KZ FBiH (Ubistvo) u vezi sa članom 28. KZ FBiH (pokušaj),



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



- 1 krivično djelo iz člana 166. KZ FBiH (Ubistvo) u vezi sa članom 33. KZ FBiH (Pomaganje).
- 2 krivična djela iz člana 172. stav (3) (Teška tjelesna povreda),
- 1 krivično djelo iz člana 203. KZ FBiH (Silovanje),
- 1 krivično djelo iz člana 208. KZ FBiH (Bludne radnje),
- 1 krivično djelo iz člana 328 KZ FBiH, (Teška krivična djela protiv opće sigurnosti ljudi i imovine) i
- 1 krivično djelo iz člana 346. KZ F BiH (Pomoć učitelju poslije učinjenja krivičnog djela).

Osim navedenih krivičnih djela potrebno je istaći i značajan i obiman rad u oblasti privrednog kriminaliteta, gdje je nadzirao i usmjeravao rad istražitelja, a rezultat su ravjetljena 24 krivična djela i to:

- Krivotvorenje novca iz člana 205. KZ BIH - 01 krivično djelo,
- Krivotvorenje isprave iz člana 373. KZ FBIH – 03 krivična djela.
- Udruživanje radi činjenja krivičnih djela iz člana 340. KZ FBIH - 01 krivično djelo.
- Primanje dara ili drugih oblika koristi iz člana 380. KZ FBIH - 11 krivičnih djela.
- Davanje dara ili drugih oblika koristi iz člana 381. KZ FBIH - 04 krivična djela.
- Zloupotreba položaja ili ovlaštenja iz člana 383. KZ FBIH - 02 krivična djela.
- Pronevjera u službi iz člana 384. KZ FBIH - 02 krivična djela,

Kao i druga krivična djela iz oblasti privrednog kriminala, kojima je pričinjena materijalna šteta u kojima nije bilo moguće izraziti materijalnu - novčanu štetu, te je nadležnim Tužilaštvima dostavljeno 11 Izvještaja o izvršenim krivičnim djelima, protiv 34 fizička lica, dok je slobode lišeno 19 lica.

Posebno treba naglasiti da je u kontinuitetu vršio nadzor i davao usmjerenja policijskim službenicima Odjeljenja za privredni kriminal prilikom nastavka preduzimanja mjera i radnji po akciji kodnog naziva "KONTAKT", "ZADRUGA" i "ZADRUGA II" te "VOZAČKE DOZVOLE".

U pogledu imovinskih delikata nadzirao je i usmjeravao rad istražitelja u sljedećim slučajevima:

- 1 krivično djelo iz člana 288. KZ FBiH (Razbojnička krađa),
- 38 krivičnih djela iz člana 340. KZ FBiH (Udruživanje radi činjenja krivičnih djela), a u vezi s krivičnim djelima "Zloupotreba osiguranja" iz člana 302, u vezi sa članom 32. "Podstrekavanje" i članom 33. "Pomaganje", krivičnog djela iz člana 346. (Pomoć učitelju poslije učinjenog krivičnog djela), krivičnog djela "Krivotvorenje isprave" iz člana 373. KZFBiH, a sve u vezi sa članom 54. istog Zakona.

Akcentat rada, je takođe stavio i na borbu protiv zloupoteba opojnih droga, te u tom pravcu podsticao i pratio zakonitost rada Odjeljenja za borbu protiv zloupotreba opojnih droga, koje je u izvještajnom periodu provelo 15 odvojenih operativnih akcija različitih kodnih naziva od kojih se posebno izdvaja 5 operativnih akcija kodnih naziva: „OTES“, „KASPER“, „GAZIJA“, „BITCOIN“ i „BOTANIKA“, koje su izvršene u saradnji sa Općinskim sudom u Sarajevu, Kantonalnim



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-044,
 Fax:+ 387 (0) 33 562-210
 Sarajevo, Reisa Džemaludina Čauševića 1



tužilaštvom Kantona Sarajevo i drugim organizacionim jedinicama Uprave policije Kantona Sarajevo. Provedeći ove akcije izvršen je pretres 24 objekata i 71 lica, realizovano je 6 racija u ugostiteljske objekte, izvršena su 3 uviđaja i uviđajne radnje, zaplijenjene 2 kompletne laboratorije za uzgoj i proizvodnju opojne droge Marihuane.

Provedene operativne aktivnosti su rezultirale podnošenjem 34 izvještaja o izvršenim krivičnim djelima, nadležnom tužilaštvu protiv 34 lica za koja postoje osnovi sumnje da su izvršili krivična djela, od toga za 11 lica po članu 238. stav 1. (neovlaštena proizvodnja i stavljanje u promet opojnih droga) KZ FBiH, za 23 lica po članu 239. stav 3. (posjedovanje i omogućavanje uživanja opojnih droga) KZ FBiH, za jedno lice po članu 371. (nedopušteno držanje oružja ili eksplozivnih materija) KZ FBiH, za jedno lice po članu 373. stav 1. (krivotvorenje isprave) KZ FBiH, te za jedno lice po članu 74. stav 1. tačke a) ZONDINOM-a Kantona Sarajevo.

Navedene akcije su rezultirale većom zapljenom narkotičkih sredstava i to: oko 5057 grama (pet kilograma pedeset sedam grama) opojne droge Marihuane (ukupno u svim oblicima, paketići namijenjena uličnoj prodaji (216 komada), ručno spravljene cigarete joint i u rifuzi, oko 1103 grama (jedan kilogram stotinu tri grama) opojne droge Amfetamin sulfat-Spid (ukupno u svim oblicima, paketići - 67 komada i rifuza), 108 komada stabljika biljne vrste Cannabis sativa tipa indica, manja količina opojne droge Kokain, oko 10 grama opojne droge Heroin, zatim 1 komad vatrenog oružja - puška, 1 komad vatrenog oružja - pištolj, 37 komada metaka različitog kalibra, 20 KM - novac koji potiče iz počinjenog krivičnog djela, 18 komada mobilnih telefona, - predmeti koji će služiti kao dokaz, 19 komada različitih predmeta koji se mogu dovesti u vezu sa izvršenjem krivičnih djela, koji su dokaz u navedenim krivičnim postupcima. Izvršiocima navedenih krivičnih djela lišeni su slobode (28 lica) i predati u nadležnost Kantonalnom tužilaštvu Kantona Sarajevo.

Evidentiran je jedan događaj - smrt lica, za koje postoje osnovi sumnje da je nastupila usljed nesavjesnog liječenja, shodno članu 240. stav 2. (teška krivična djela protiv zdravlja ljudi) KZ FBiH u vezi sa članom 229. stav 1. (nesavjesno liječenje) KZ FBiH na štetu mladb. lica Gadžun Džena. Obzirom da je navedeno krivično djelo iz nadležnosti Odjeljenja za borbu protiv zloupotreba opojnih droga, od dana 15.11.2021. godine dva policijska službenika ovog Odjeljenja, kao članovi tima formiranog od strane Kantonalnog tužilaštva Kantona Sarajevo i Uprave policije MUP-a Kantona Sarajevo, rade na dokumentovanju i rasvjetljanju navedenog događaja, te shodno tome preduzimaju mjere i radnje uz direktni nadzor postupajućeg tužioca, a po naredbama za provođenje istrage od strane Kantonalnog tužilaštva Kantona Sarajevo, naredbama za pretresanje, oduzimanje predmeta i dr., izdate od strane Općinskog suda u Sarajevu i Kantonalnog suda Kantona Sarajevo. S tim u vezi do dana 31.12.2021. godine izvršeno je izuzimanje više snimaka video nadzora, privremeno oduzimanje medicinske dokumentacije o liječenju navedenog pacijenta i dr. predmeta koji će služiti kao dokaz, o čemu će biti sačinjen poseban izvještaj po završetku istražnih radnji.

Poduzeo je sve potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, kao što je:

- osiguranje međunarodne biciklističke utrke-maraton kroz Grad Sarajevo, održane dana 09. i 10.10.2021. godine,
- preduzimanje mjera operativnog, fizičkog i saobraćajnog osiguranja za vrijeme posjete Patrijarha Porofirija tokom njegove dvodnevne posjete Gradu Sarajevo dana 16. i 17.10.2021. godine,



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



- osiguranje međunarodne fudbalske utakmice između reprezentacija BiH i Crne Gore, “U-21”, održane na stadionu „Grbavica“ dana 12.08.2021. godine,
- osiguranje za vrijeme održavanja regionalne ministarske konferencije, koja je održana u Sarajevu, u hotelu “Hills” od 17.11. do 19.11.2021. godine,
- osiguranje protesta neformalne grupe građana ispred Parlamenta BiH, održanih dana 21.11.2021. godine,
- osiguranje protesta u organizaciji Sindikata rudara FBiH, koji su održani u ulici Hamdije Čemerlića broj 2, ispred zgrade Vlade FBiH, održanih dana 23.11 i 24.11.2021. godine,
- osiguranje protesta u organizaciji Saveza paraplegičara FBiH, održanih dana 25.11.2021. godine,
- osiguranje međunarodne košarkaške utakmice između reprezentacija BiH i Češke, dvorani KSC “Mirza Delibašić”, održane dana 26.11.2021. godine,
- osiguranje protesta u organizaciji Samostalnih sindikata Kantona Sarajevo, održanih u ulici reisa Džemaludina Čauševića, ispred zgrade Vlade Kantona Sarajevo, dana 30.11.2021. godine,
- osiguranje protesta u organizaciji Udruženja nestalih Republike Srpske, održanih ispred zgrade Suda Bosne i Hercegovine, dana 07.12.2021. godine,
- osiguranje za vrijeme posjete premijera Republike Hrvatske, gosp. Andreja Plenkovića, dana 13.12.2021. godine,
- osiguranje za vrijeme posjete predsjednika Mađarske, gosp. Janoš Ader-a, dana 14.12.2021. godine

U izvještajnom periodu u kontinuitetu je koordinirao aktivnosti sa policijskim upravama, po pitanju izdatih rješenja od strane Federalne uprave za inspeksijske poslove i Kantonalne uprave za inspeksijske poslove, kao i koordinaciju aktivnosti prilikom pružanja asistencija – pomoći, te davanja saglasnost policijskim službenicima Uprave policije da Kantonalnoj upravi za inspeksijske poslove pružaju asistencije-pomoći pri inspeksijskim nadzorima na poštivanju higijensko-epidemioloških mjera ugostiteljskih objekata, ali i kontroli javnog gradskog saobraćaja.

Nadzirao je i kontrolisao provođenje aktivnosti predviđenih Kriznim planom pripravnosti Uprave policije broj 03/2-2997 od 06.07.2020. godine, kojim se, usljed pogoršane zdravstveno-epidemiološke situacije izazvane epidemijom korona virusa COVID 19, uspostavlja koordinirano i plansko djelovanje svih ljudskih i materijalno-tehničkih sredstava s ciljem stvaranja uslova za efikasnije provođenje higijensko epidemioloških mjera, kao i mjera predostrožnosti.

U izvještajnom periodu zbog pandemije korona virusa (COVID – 19), u izolaciji se nalazilo 53 uposlenika Uprave policije Ministarstva unutrašnjih poslova Kantona Sarajevo, od kojih je pozitivno na prisustvo korona virusa (COVID-19) bilo 43, a preostali 10 zbog simptoma i kontakta sa zaraženim osobama. Na bolničkom liječenju su se nalazila 2 uposlenika, koja su evidentirani u zbirnom podatku - broju zaraženih osoba.

Nalagao je sačinjavanje instruktivnih depeša, koja se odnose na pojačan angažman policijskih službenika na sprječavanju prodaje i upotrebe pirotehničkih sredstava, na profesionalan odnos svih uposlenika prilikom izvršavanja poslova i zadataka, na inteziviranju aktivnosti iz nadležnosti Uprave policije na podizanju većeg stepena sigurnosti u saobraćaju, posebno u dijelu iniciranja za davanje saglasnosti nadležnog suda za izdavanje naredbi za privremeno oduzimanje motornih



web: <http://skupstina.ks.gov.ba>
 e-mail: skupstina@skupstina.ks.gov.ba
 Tel: + 387 (0) 33 562-044,
 Fax: + 387 (0) 33 562-210

Sarajevo, Reisa Džemaludina Čauševića 1



vozila od strane višestrukih povratnika u činjenju najtežih prekršaja iz oblasti saobraćaja i dr.

Kroz kontakte sa rukovodiocem Jedinice za profesionalne standarde, stvarao je uslove za nesmetan i nezavisan rad na provođenju unutrašnjih istraga.

U izvještajnom periodu okončano je 47 unutrašnjih istraga u okviru kojih je za pet policijskih službenika utvrđen osnov sumnje da su počinili lakšu povredu službene dužnosti. Nakon uvida i detaljne analize izvještaja o sprovedenim unutrašnjim istragama, dao je saglasnost za izradu rješenja o sankcijama za lakše povrede službene dužnosti, od kojih je za četiri potpisao rješenja u izvještajnom periodu, dok je za petog policijskog službenika rješenje u fazi izrade i biće doneseno u narednom mjesecu.

Koordinirajući i usmjeravajući rad mjesno i stvarno nadležnih organizacionih jedinica u Upravi policije, osiguravao je zakonit i profesionalan policijski odgovor na sve događaje koji mogu imati bilo kakve implikacije na sigurnost, te je na taj način, davao doprinos poboljšanju sigurnosne situacije na području Kantona Sarajevo.

Postupao je po zahtjevima dostavljenim od strane Komisije za sigurnost Skupštine Kantona Sarajevo i Nezavisnog odbora i o tome izvještavao navedena tijela, a o značajnim događajima od posebnog interesa za sigurnost građana Kantona Sarajevo, na dnevnoj osnovi je izvještavao ministra.

Sve navedene aktivnosti provodio je s ciljem demokratizacije i etičnosti rada policije, zaštite ljudskih prava i sloboda građana koji žive, borave i kreću se na području Kantona Sarajeva i postizanja što većeg nivoa sigurnosti građana i posjetilaca Kantona Sarajevo.

Sarajevo, 12.01.2022. godine

PREDSJEDNIK NEZAVISNOG ODBORA

Miroslav Kružik , s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1

